

Որպէս ասացաք յառաջագոյն . զի յայսպիսի կարեւոր խնդիրս չէ ինչ աւելի տարապարտ կրկնումն : Մեք առանձին ընդ ուխտաւորս եւ ընդ համազգիս մեր կատարեսցուք զարարողութիւնս մեր , առանց խառնելոյ ուխտաւորաց եւ համազգեաց ձերոց , բաց 'ի մշանջենաւոր պաշտօնէից Ս . Գերեզմանին : Նոյնպէս և դուք կատարեսցիք զարարողութիւնս ձեր ընդ ուխտաւորս եւ ընդ համազգիս ձեր , առանց խառնելոյ և մտանելոյ ուխտաւորաց մերոց , բաց յայնցանէ որք սպասաւորեն Ս . Գերեզմանին :

Արդ՝ առաւել քան զայս ոչ կարեմք գրել յայտնի և բացորոշ զիրս . զի վտահ էմք , որ առանց երկուանալոյ հաւատայք բանից մերոց , որպէս և մեք չունիմք երկրայութիւն ինչ խոստմանց և երդմանց ձերոց : Յորժամ բարւոք թարգմանեալ զնամակս 'ի միտ առջիք , յայնժամ արդար և ճշմարիտ դտանէք զգրեալսդ մեր : Հարկ է ուրեմն եւ Սրբազնութեան ձերոյ գրել և տալ թուղթ ըստ օրինակիս այսմիկ՝ Փոխանորդին մերոյ : Եւ զինի թարգմանութեան նամակիս , առաքեցէք զայն յերուսաղէմ՝ առ Ամեն . Պատրիարքն ձեր , եւ ծանուցանել նմա լուրեայն , զի մի անկարգութիւն ինչ պատահեսցի : Նոյնպէս և ըզթուղթ Սրբազնութեան ձերոյ տաջիք թարգմանել 'ի մեր լեզու ձեռամբ Փոխանորդին մերոյ , և սպա առաքել զայն յերուսաղէմ :

Առաւել բարւոք թուի ինձ վարձել ընկերովի մի կամ երկու հեծեալ , և անկասկած փութով առաքել զնամականիս յերուսաղէմ , զի հանդարտեսցին մեր և ձեր վանականքն՝ որ անդ : Մեք ըստ կարծեաց մերոց աւելի լաւ համարիմք զաղտնի պահել զայս խնդիր 'ի միջի մերում , և չյայտնել ժողովրդոց վասն բազում պատճառաց :

Իսկ աղերսագիրն և նամականիքն , զորս առաքեալ էիք զմին ստորագրել և զայլն տալ ընթեռնուլ յեկեղեցիս , մնասցեն այժմ . զի խորհեսցուք 'ի միասին , զի դեռ ունիմք ժամանակ . զի յայսմ ամի Զատիկն անկանի յԱպրիլ ամսոյ . յորժամ 'ի մի վայր դումարիցիմք՝ որ ունի լինիլ յառաջիկայ ամսոյ , խօսեսցուք 'ի վերայ խնդրոյդ այդորիկ . 'ի բաց թողեալ՝ զայլ ամենայն դործս թէ եւ 'ի մեծ